



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlvm XXXVI. Bonæ.

---

[urn:nbn:de:hbz:466:1-62559](#)

mitti: quemadmodum etiam dici solet, quod confuetudo iurisdictionem dat & aufert. DD. in c. cum contingat, 13. de foro comp. siue consuetudo sit, ut omnes, vbiunque sint, absentes vocari debeant: Ea tamen intelligenda, dummodo sine graui ecclesiæ detrimento aduocari possint, nam alioquin, ut damno ecclesiæ consuetudo aboliri deberet: Deinde ut ij ad diem electionis rationabiliter definitum, aduenire possint; quia alioquin frustra vocarentur. Et quæ hic dicuntur de vocandis Capitularibus ad electionem, locum etiam habent, si consuetudo alicubis sit, ut omnes vocentur ad alios tractatus, v.g. rei ecclesiastice alienationem. Verum seclusa consuetudine, necesse non est absentes vocari ad tractatum, & consensum praestandum alienationi, secundum Gl. communiter receptam in cit. c. cum in ecclesiis, ex Auth. hocius porrectum, iun. Gl. ver. maiores, C. de SS. Ecclesiis: quemadmodum nec ad alias res tractandas, nisi magni admodum momenti sint.

Ad argum, ex hoc c. desumptum responderetur. Et responsum hic à Pontifice datum ex causa aliqua speciali; siue propter particularem eius ecclesiæ consuetudinem; siue propter circumstantiam aliquam, ob quam visum fuit Pontifici, omnes Canonicos, qui in prouincia erant, vocandos esse: Et fortasse nulli fuerunt tunc absentes extra prouinciam. Ad cit. l. vlt. dici debet, E se illud peculiariter decretum in ordine ad usucaptionem rerum immobilium perficiendam, ut habentes domicilium in eadem prouincia, siue sub uno eodemque regimine sunt, prout docuit. 3. Theol. moralis, tract. 1. de iust. cap. 8. n. 13. Ideoque ad casum nostrum transferri non posse.

## CAPITVLVM XXXVI.

Bonæ.

## PARAPHRASIS.

Cum S. Cremonensis Episcopus, in ægritudine constitutus morti vicinus esset, Ca-

pituolum H. Canonicum, eo tempore Regij studiis vacante ad noui Episcopi electionem vocavit, constituto termino Vigiliæ Pentecostes: Deinde mortuo Episcopo S. in Feria secunda Pentecostes, antequam corpus sepulturæ traditum esset, Archipresbyterum eius ecclesiæ per compromissum in Episcopum elegerint. At verò H. postea adueniens, quod existimat electionem eam, ad quam ipse vocatus non fuerat, sed contemptus, nullius momenti esse, atque eligendi facultatem ad se solum deuolutam esse, Archidiacnum elegit. Controuersiâ istâ ad Innoc. III. Papam delata, censuit in primis, electionem ab H. factam, priusquam prior electio Apostolicae Sedis auctoritate cassata esset, nullius esse momenti, & in pœnam temere præsumptæ electionis ipsi iniunxit, ut si Capitulum denud conueniens electionem priorem de Archipresbytero renouet, contradictionis vocem emittere non posset. Enimvero hanc ipsam quoque à Capitulo factam electionem, iustitia exigente Pontifex cassauit, partim quia corpore Episcopi defuncti nondum sepulturæ mandato, de electione tractatum instauerunt contra canonicas sanctiones; partim quia H. Canonicus, contemptus fuit: in hujusmodi autem casu plus vnius contemptus, quam multorum contradictionis obesse solet. Neque excusationem affert, quod idem H. citatus fuerit; quia citatio ea legitima non fuit, sed temeraria, quippe facta ante mortem Episcopi; & ideo obligare non potuit citatum.

## SUMMARIUM.

1. *Vinente Prelato ecclesiæ, etiam si eius vita desperata sit, illicitus & inualidus est tractatus de electione successoris.*
2. *Citatio ad nouam electionem ante mortem Prelati, ipso iure irrita est.*
3. *Per tractatum intelligitur ille, qui collegialiter fit, extra illum prohibitum non est, incidenter ac veluti per accidentem mentionem facere de recta persona sub-*

T 2 filiu-

*stituenda post mortem Prælati senis aut infirmi.*

*De qua tamen non licet quidquam mutuò promittere aut pacisci.*

4. *Non prohibetur ipse Prælatus ante mortem quidpiam cum Capitularibus in collegiali conuentu de forma & modo electionis statuere, & de successore consultare.*

5. *Nulla electione vel conuentione constitui potest Prælato Coadjutor cum potestate succedendi, nisi auctoritas summi Pontificis interueniat.*

6. *Corpus Prælati prius sepeliri debet, quam de electione successoris tractetur. Absolutè tamen id necessarium non est.*

7. *Electio, qua aliquo contemptu celebrata est, non est ipso iure irrita, sed ad petitionem contempti irritanda à Superiori. quod tamen in aliis actibus collegialiter peractis locum non habet.*

8. *Propter contemptum alicuius electores non invitantur iure eligendi pro ea vice, neque denoluntur ad alios non delinquentes seu contemptos.*

*Potest tamen Pontifex in pænam delicti electores pro ea vice facultate eligendi priuare.*

**N**O T A N D V M I. Q[uod]amdiu viuit Prælatus ecclesiæ, tametsi eius vita desperata sit, non tantum illicitus, sed etiam inmalidus est tractatus de electione successoris. Ita hic habetur, & in c. nullus 7. d. 79. Ratio est: Quia elecio pro inconveniente habet, eligi Prælatum, aut de eius electione traetari, antequam Sedes vacat. Quare non obstat regula, sumpta ex c. vxore 7. de sept. Quod dispositio facta tempore inhabilit, subsistere potest, si conferatur in tempus habile. Nam regula huic locus non est, si tempore inhabili aliqui ablata sit potestas disponendi. Qua similitatione, coniugi, durante coniugio, concessum non est pacisci de nouo matrimonio co-trahendo post mortem coniugis, quia tale pactum contra bonos mores, ideoque non obligatorium iudicatur, argum. c. sicut, 39. causa 7. quæst. 1. & dictum est Theol. moral. lib. 5. tr. 10. p. 4. c. 10. n. 7. Quin & occasio-

nem mortis machinandæ eiuscœ tractatus præbere posset, vti colligitur ex c. 2. de concess. præbendæ.

Exinde sequitur, quod etiam in textu h[abitu] c. habetur, quod citatio ad faciendam nouam electionem, si emissâ sit ante mortem Prælati, ipso iure irrita sit; & ideo non constingat citatum: quia prodit à non habentibus citandi potestatem. Quare perinde est, ac si nondum constitutus Iudex aliquem citet ad diem, in quo iurisdictione præditus erit, inualida est citatio; quia facta à non habente potestatem. Itaque in talibus initium spectare oportet: quod enim initio vivi sum est non potest tractu temporis conualescere, reg. 29. ff.

Porrò per tractatum electionis, quemante mortem Prælati reprobatum esse dixi, oportet intelligere eum, qui collegialiter, quasi ordinando, aut statuendo, sive circa personam certam eligendam, sive circa tempus aut locum, ad quem Electores in proxima electione venire debeant: Talia enim docent non possunt, sive nondum vacante. At vero prohibitum nō est extra Capitulum seu collegiale Conuentum, vel etiam in ipso Conuento Capitulari, sed incidenter tamè veluti per accidens, mentione facere de certa persona substituenda post mortem Prælati admodum senis, aut infirmi, cum talis mentio non sit in ordine ad decretum definitum, ac ordinatum, ideoque non habeat rationem tractatus Capitularis, Cauendum tamen est, ne mutua promissio, aut pactum intercedat de certa elegenda persona: tales enim pactiones reprobantur. Quare cassari potest electio postea facta, si ex eiusmodi pactione originem cepisse appareat. Sumpta hæc sunt ex Innocentio hic n. 2. & seqq. Ioan. Andrea n. 17. Anton. n. 15. Abb. n. 12.

Præterea ipsem Prælatus non vetatur cum Capitularibus quippiam statuere circa formam, tempus, locum electionis; cum ipso statuendi potestate præditus sit: Quin etiam ante mortem suam Electores conuocare potest, eisque ad concordiam hortari, & de certo idoneo successore consultare, eisque aliquem proponere, vti docet Innoc.

Innoc. cit. n. 3. argum c. si transitus 10 iun. Gl. ver. non possit d. 79. Sed quia talis cōsultatio non est electio, ( quandoquidem ea fieri non potest Sede non vacante) ideo Capitulares non prohibentur ab eo, quod in consultatione visum fuit, recedere, & aliam personam eligere, cum iure cautum sit e. j. & c. Episcopo 4. causa 8. q. 1. ne Episcopus ante vitæ finem successorem sibi constitutus.

5 Corollarium: Nulla electione, aut conventione Prælato constitui potest Coadjutor cum potestate succedendi, nisi Summi Pontificis auctoritas, ob ecclesiæ alicuius necessitatem, interueniat, iuxta Concil. Trid. sess. 15. cap. 7. de reform. & docet Azor tom. 2. lib. 3. cap. 2. q. 2.

6 NOTANDVM II. Corpus Prælati defuncti prius sepulturae tradi debet, quam de eligendo successore tractetur. Ita hic & in c. nullus 7. d. 79. vbi statuitur, ut electio Episcopianter tertium depositionis diem non fiat. Absolutè tamen necessarium id non esse videtur, secundum Gl. hic ver. tractatum, Innoc. Ioann. Andr. Imol. & alios: quia statim post mortem Prælati ecclesia vacat, atque soluta est. Quare valida est electio & prouisio alterius. In modo interdum, propter occurrentes circumstantias, etiam licita: vt si, ob iustam causam, sepultura differenda sit. Profectò tempus trimestre, aut semestre, quod iura canonica electionibus faciendis definitur, à die mortis prioris Prælati, dummodo ea Electoribus cognita sit, numerandum esse, tradit Gl. communiter recepta in c. postquam 11. d. 40. & colligitur hæc doctrina ex c. Episcopo 4. causa 8. q. 1.

7 NOTANDVM III. Electio, quæ aliquo contemptu, id est, non legitimè vocato, cum posset ac deberet vocari, celebrata fuit, non est ipso iure irrita; sed ad petitionem contempi, irritari debet à Superiore. Ita hic, & sumitur etiam ex c. quod sicut 28. in not. 5. hoc tit. Hoc autem in loco aduenti potest doctrina Pontificis Innoc. III. quam etiam in c. venerabilem 34. hoc tit. attulit, quod unius absentis contemptus plus valet ad rescindendam electionem, quam

multorum præsentium contradicatio. Si enim maior & senior pars Capitularium in unam personam idoneam cōsentiant, alij iure contradicere non possunt, siue contradicendo nihil efficiunt. Et tamen unicus solus, qui contemptus est, agere potest ad electionem rescindendam.

Addit verò hic Abb. n. 10. Alios quoque actus, qui collegialiter peracti sunt aliquo contemptu, seu non vocato, cum vocari debuisset, & potuisset, eo postulante, rescindendos non esse, tanquam non legitimè factos.

NOTANDVM IV. Si electio peracta fuit aliquo contemptu, non ideo electores priuantur pro ea vice eligendi potestate; neque ob eorum delictum ius totum electionis ad alias non delinquentes, siue contemptos deuoluitur; cum haec poena priuationis, aut deuolutionis in iure expressa non reperiatur. Quare, si ob alicuius contemptu electio cassata sit, Electores una cum contempto ad aliam canonicam electionem procedere, & si velint, prius electum iterum eligere possunt. Ita colligitur ex textu hu- ius c. iun. Gl. ver. expectare, & tradit Ioann. Andr. n. 15. Abb. n. 9. Imola n. 8. Sed bene admonet Gl. iam cit. quod Papa in pœnam delicti possit Electores, propter contemptum, priuare pro ea vice eligendi facultate.

## CAPITVLVM XXXVII.

### Cùm ad nostram.

#### PARAPHRASIS.

Cùm Innocentius III. intellexisset, quod H. qui se pro Abbatे gerebat, ante quam elegiretur, Ordinem professus non fuisset, electionem eius censuit irritandam esse, ( id est, irritam declaram ad am.) Quia ecclesiastice i traditioni repugnat, eò quod Monachus fieri debeat sine spe, aut promissione Abbatiae, alterius obtinendæ Prælaturæ, aut dignitatis.

#### SUMMARIUM.

i. Malè promotus seu iniuriosus ad beneficium  
Tt 3 eiun